

առնէր իսկ արդեօք դիւրաւ վախճան պատերազմին , թէ տեւէր 'ի պաշարմանն . մանաւանդ զի երկրպագեալ եւ վհատեալ իմն էին խռովիչքն : Այլ յանկարծ եբարձ նա զպաշարումն , եւ դարձ նորա նման իմն էր փախստեան . եւ խռովչացն միւսանգամ քաջալերեալ եւ զհետ մտեալ հալածէին զնա , մինչեւ գիշերայն ապրէր զօրավարն յետ անկանելոյ 'ի բանակէ նորա 5300 արանց , 980 երիվարաց եւ մեքենայից : Ապա յայտնի եղեւ թէ տեւական է պատերազմն , յայն սակս բաղումք յերեւելեաց եւ 'ի մտացեացն Հրէից մեկնեցան 'ի քաղաքէն , իրր 'ի նաւակէ որ մերձ է յընկզմիլ , ընդ որս եւ քրիստոնեայք որպէս ասացաք . եւ մնացեալքն 'ի Հրէից պատրաստէին 'ի սլաւերազմ : Վխալաբին Յովսէպոսի յանձն եղեւ Գալիլեա , եղիազարու Եդոմէ , եւ այլ ոմն Յովսեպոս եւ Անանոս քահանայապետ՝ կացին հրամանատարք յերուսաղէմ :

Հրէայք երկիցս յարձակեցան յԱսկաղոն եւ մերժեցան յետս կորուսեալ զարս 20,000 : Վէսպիանոս զօրավար ժողովէր գունդ հարուստ յԱսորիս , եւ սկիզբն 67 ամին հասանէր առաջի Յոդատաւայ 'ի Գալիլեա 60,000 արամբ , եւ Տիտոս որդի նորա խառնեցաւ 'ի նա : Աւուրս 47 դիմակալ եղեւ պաշարման քաղաքին Յովսեպոս մեծաւ քաջութեամբ . բայց առաւ յարձակմամբ եւ ասրականեցաւ հրով եւ սրով : Ընդ գերեալսն էր եւ Յովսեպոս՝ զոր կամէր զօրավարն առաքել առ Կայսր , բայց իբրեւ պատմեաց նմա Յովսեպոս թէ հասանիցէ յաթոռ կայսրութեան , պահեաց զնա առ իւր սիրով : Առան եւ այլ քաղաքք Գալիլեացոց մեծաւ աշխատութեամբ եւ արիւնհեղութեամբ , եւ մինչեւ ցկատարած ամին գրաւեցաւ ամենայն երկիրն յայնկոյս Յորդանանու :

Ընդ այն ժամանակս յերուսաղէմ կողմն նախանձայու-
ղաց բռնացեալ էր 'ի վերայ այլոց կողմանց , քանզի երկ-
պագեալ էին : Նախանձայոյզքն բարրանօք որպէս թէ
զԱստուծոյ փառսն խնդրեն , չկամէին ընդ ուրուք իշ-
խանութեամբ մտանել . այլ զամենայն իշխանութիւն օտար
մերժել յանձանց : Սոքա նախ աւարառութեամբ եւ սպա-
նութեամբ մոլէզնէին 'ի վերայ հակառակորդացն 'ի մօտա-
ւոր վայրսն Երուսաղէմի , եւ յետ այնորիկ առաջնորդու-